

حملة مكافحة الهروب من الفهم ج 1

شريف طه يونس

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا ومن سيئات اعمالنا انه من يهده الله تعالى فلا مضل له ومن يضل فلا هادي له واشهد ان لا اله الا الله وحده لا شريك له واشهد ان محمدا عبده ورسوله - [00:00:01](#)

ثم اما بعد طبتم جميعا وطاب ممشاكم وتبوأت من الجنة منزلا تقتلن جميعا وطاب ممساكن وتبوأتن من الجنة منزلا. اسأل الله الذي جمعنا على طاعته ان يجمعنا في الآخرة في جنته - [00:00:29](#)

اه يحلو لي في الحقيقة اني ابدأ حديثي مع حضراتكم بما كان يبدأ به الانبياء مع اقوامهم نبدأ بما كان يبدأ به الانبياء مع قومهم اولا اقول لحضراتكم اني اخاف عليكم - [00:00:45](#)

اتمنى ان العبارات اللي انا هرردها على مسامع حضراتكم دي تكون مستصحية معكم طوال كلامي النهاردة. ماشي اول عبارة اني اخاف عليكم. يعني احنا ما حملنا على ان احنا نأتيكم يعني من على مسافة يعني قرابة اربع ساعات الى هنا. آآ الا - [00:00:59](#)

لانا نريد لكم الخير والا لانا نخاف عليكم. وهذا شعور ينبغي ان يستولي على قلب كل انسان هذه الحركة انما الهدف منها ان احنا او هذا الامر انما الهدف منه اننا نريد لكم الخير ليس اكثر من ذلك - [00:01:18](#)

النقطة الثانية اني اراكم بخير اه النقطة الثانية اني اراكم بخير مين اللي قال الكلمة دي سيدنا شعيب سيدنا شعيب تمام؟ قال الكلام ده لمين قومه كانوا ايه كفار صح؟ وقال لهم اني اراكم - [00:01:36](#)

بخير. طب انتم بقى مش هتكونوا بخير؟ اكيد بخير طبعا فعشان كده انا اتمنى ان بعضكم هيسمع مني النهاردة بعض الحاجات اللي ربما تكون تعليق على بعض الاخطاء اللي احنا بنمارسها. تمام - [00:01:57](#)

فالبعض للأسف الشيطان هيصور له ان انا منتقص اللي بيسمعني بالعكس اني اراكم بخير. بل انا عندي يقين شخصي بيقول ان قلام الظفر واحد منكم خير من ملاء الارض من امثاله. خلاص؟ ده يقيني انا جوايا. خلاص كل واحد اعلم بنفسه. فلذلك آآ - [00:02:12](#)

مش معنى ان احنا بنقول ان ده خطأ وده ما ينفعش والمفروض كذا ان انا بنتقص اللي بقول له كده بالعكس ده الانسان لما يريد للانسان الكمال لما يريد له التمام لا يرضى ان هو يكون بيعمل حاجة خطأ. صح؟ طيب قابلته قابلته عند القناطر كده؟ قلت له انت رايح فين - [00:02:32](#)

قال لي ده انا رايح اسكندرية قلت له بس ده مش طريق اسكندرية. الطريق اللي انت ماشي فيه ده غلط. قال لي ازاى بتقول لي غلط وانا بسافر؟ ده انا مسافر ورايح اسكندرية وعايز اعمل وعايز اودي وعايز - [00:02:52](#)

اتحرك قلت له انا اسف اللي انت بتعمله ده غلط. بل ممكن كمان اكون صرخت فيه. وقلت له غلط اللي انت بتعمله ده غلط. ما ينفعش خالص قال لي ازاى بتقول لي غلط؟ قلت له ما هو اللي انت بتعمله ده في مشكلتين. المشكلة الاولى ان انت اصلا اصلا ممكن ما تصلش. ازاى عايز تروح اسكندرية - [00:03:05](#)

عن طريق ان انت تنزل مسلا تروح الصعيد وبعد كده تاخذ الصحراوي الغربي وتروح اسكندرية ما انت اصل اصلا ممكن ما توصلش ده انت ممكن في الطريق اصلا الطريق انت مش عارفه وممكن ما توصلش. النقطة الثانية ان لو وصلت هتبقى ايه - [00:03:25](#)

تعبت ولو وصلت هتبقى اخرت. بيجي بقى يقول ايه؟ يقول لك لا لا لا ده انت عمال انت بتنهاني عن ايه اني اسافر لاسكندرية انت مش حابب لي اسافر اسكندرية؟ لا ده ان انا لا اريد لك ان انت تتعب ولا اريد لك انك تنقطع ما - [00:03:41](#)

من خوفي عليك صرخت فيك وقلت لك اللي انت بتعمله غلط واصلة الرسالة دي؟ اه لذلك استصحبوا دايمًا طول كلامي مع حضراتكم

اني اراكم بخير يبقى الاولى كانت ايه؟ والثانية؟ الثالثة. ان اريد الا الاصلاح ما استطعت - [00:04:01](#)

دايما لما نيجي نتكلم في مكان بنقول احنا مش عايزين نهدم حاجة قائمة احنا عايزين نتمم الايه؟ البناء واضح؟ مش عايزين اوعى قد من حضراتكم لما يسمعي النهاردة بتكلم عن حاجة ربما هي مش الافضل يبقى التصرف بتاعه انه يقول هوقف لا - [00:04:23](#)

لو هفترض ان انا النهاردة ناقشت ممارسة معينة احنا بنعملها وقلت ان الممارسة دي مش صحيحة. يبقى الحل ان احنا نوقف ولا نصح؟ لو قلت الممارسة دي ناقصة ناقصة الحل ان احنا نوقف ولا نكمل؟ نكمل. واضح؟ ان اريد الا الاصلاح - [00:04:43](#)

الرابعة لا اسألکم عليه اجرا. مشروعنا مشروع القرآن علم وعمل مؤسستنا معهد العلم والعمل واكاديمية المتدبر الصغير. الحمد لله بنعمل في هذا الحقل من اكثر من عشر سنوات لا نتقاضى فلسا واحدا على القرآن. بفضل الله عز وجل. جربنا اكثر من عشرة الاف

انسان ولا نتقاضى فلسا واحدا عن القرآن - [00:05:03](#)

ولم نتقاضى الى ان تلقى الله. خلاص؟ فلذلك كلامنا واضح وصريح لا اسألکم عليه اجرا. لا خدنا ولا بناخد ولا هناخد ان شاء الله رب

فلسا واحدا على القرآن الكريم - [00:05:23](#)

تمام الخمسة والاخيرة انا مثلي ومثل حضراتكم بالظبط بالظبط زي اللي حصل آآ مع سيدنا موسى صلى الله عليه وسلم. وذلك الرجل الناصح وجاء رجل من اقصى المدينة يسعى قال يا موسى ان المأأ يأترون بك لايه؟ ليقتلوك فاخرج اني لك من الناصحين -

[00:05:36](#)

خرج منها خائفا يتربع قال ربي نجني من القوم الايه؟ الظالمين. معلشي خلي هنسقط الموقف ده الموقف ده نسقطه. هنعتبر ان

حضراتكم مكان سيدنا موسى صلى الله عليه وسلم. وانا مكان ذلك الرجل الناصح الذي جاء من اقصى المدينة يسعى - [00:06:08](#)

انا جاي من اقصى مكان خلاص اسعى اليكم. جاي اقول لحضراتكم حاجة مهمة جدا. ان المأأ يأترون بك ليقتلوك تمام؟ للاسف

الشديد بعض الناس هينسى مضمون النصيحة وهيركز في ايه؟ ازاي قال لي يا موسى ما قاليش يا نبي الله - [00:06:28](#)

ازاي قال لي يا موسى ما قاليش يا استاذ موسى يا سيد موسى واضح؟ وازاي بيقول لي كده فاخرج ازاي ما يقوليش لو سمحت

اخرج. ازاي ما يقعدش يقنعني ويقول لي ويكلمني ازاي؟ سيدنا موسى صلى الله عليه وسلم ولا شغلوا الكلام - [00:06:51](#)

خالص رغم ان هو افضل من الناصح. مين افضل؟ الناصح ولا المنصوح المنصوح افضل صح؟ سيدنا موسى صلى الله عليه وسلم افضل صح؟ فانتم افضل مني ان شاء الله. اتمنى ان تعاملكم مع الكلام اللي هتسمعوه النهاردة يكون تعامل سيدنا ايه؟ موسى. متى -

[00:07:10](#)

ركزليش في كلام ربما يكون الكلام فرعي وركز في المضمون الايه؟ الاصلي بتاع الكلام. قال له ان المأأ يأترون بك لايه؟ ليقتلوك. انا

خايف عليك انا اريد لك الخير ما قعدش بقى يركز في حاجة فرعية ويقول ايه؟ لا هو ليه ما قاليش آآ يا نبي الله؟ طب ليه يقول لي

فاخرج كده؟ طب ما يقول لي طب فانظر ماذا - [00:07:27](#)

يا ترى وانا اخرج ولا ما اخرجش؟ بيفرض علي ليه؟ ما ركزش في الكلام ده كله. شوفوا عمل ايه؟ شف ربنا يقول ايه. فخرج منها على

طول سرعة استجابة للنصيحة صح؟ ما اداش مجال للشيطان انه يعكر عليه صفو النصيحة الغالية. صح؟ تصوروا لو - [00:07:55](#)

سيدنا موسى صلى الله عليه وسلم كان قعد يفكر زي ما بعض الناس بيفكر يقول لا والله ما انا سامع الكلام ومش عارف ايه ومش

ومش هودي كان سيدنا موسى ربما تعرض لايه؟ لفقدان حياته واللي اهم فقدان دعوته. صح؟ اه - [00:08:14](#)

فخرج منها خائفا يتربع قال ربي ايه؟ نجني. وده اللي نفسي فيه. الخطيب البغدادي يقول ايه؟ له كتاب نفيس مقتضاء العلم العملي

يقول في غاية العلم العمل وغاية العمل النجاة - [00:08:34](#)

المسلم غايته في الحياة انه ايه؟ ينجو. ومش هينجوا الا اما يعمل. ومش هيعمل الا لما يتعلم. تمام؟ لذلك احنا عايزين فعلا نجني ربي

نجني. الواحد همه ان ربنا ايه؟ ينجيه وينجيه. تمام كده؟ اتفقنا على الخمسة دول - [00:08:50](#)

اتفقنا؟ طيب ابشركم بشرى جميلة بقى النبي صلى الله عليه وسلم يبشر حضراتكم ببشرى غالية جدا جدا عايزين نتفق على

اتفاق لما اقول النبي نقول ايه؟ صلى الله عليه وسلم. النبي صلى الله عليه وسلم يبشر حضراتكم ببشرى غالية جدا جدا جدا -

00:09:10

بيقول اه كلام يمكن حضراتكم تعرفوه. بس انا هقف معه وقفات بسيطة مش هضيف لحضراتكم فيها معلومات بقدر ما انا حاول بس ايه الفت انظاركم لحاجات مهمة ربما بنغفل عنها. النبي صلى الله عليه وسلم بيقول وما جلس قوم في بيت من بيوت الله. وفي رواية

00:09:30 -

فجلس قومه بدون الايه؟ المكان. لان الاعتبار بالنشاط مش بالايه؟ مش بالمكان. يتلون كتاب الله ويتدارسونه فيما بينهم تمام الا حصلت لهم اربعة اشياء. تعالوا نعد مع بعض. بس قبل ما نعد مع بعض انا عايز اسأل حضراتكم سؤال. النهاردة - 00:09:50
في منطقنا احنا البشري لو واحدة من المعلمات او واحد من المعلمين آآ هو كان دعي النهاردة في لقاء في مجمع العربي عن كذا كذا كذا فقال لا لا لا ده انا النهاردة بقى عندي مشوار ان شاء الله هكسب منه على الاقل مية الف جنيه - 00:10:10
مممكن يحس بندم ان فاتته المجلس ده ما يحسش بمية الف جنيه صح؟ ما يحسش بني ادم دي ميت الف جنيه بيندم ليه على مية الف جنيه خلاص مش هيحس بندم هو قال آآ حتى لو - 00:10:29

زعلت انا هي فوتني انتم اتبسطتم؟ طب عادي ده انا المية الف جنيه دي ايه هتبسطني اكرت صح؟ طب انتم ايه ايه اللي حصل لكم يعني؟ يعني فيه خير جاي لكم؟ ده المية الف جنيه دي هتجيب لي ايه - 00:10:43
خير كتير جاي بعد كده صح انتو ايه اللي فاتني مفتنيش حاجة تمام؟ ده منطقته ما تزعلوش مني وبعضكم لو كان في المعادلة دي كان هيختار المية الف جنيه تمام؟ معلش دي دي حقيقة ما هنضحكش على بعض - 00:10:57
ما نضحكش ده البعض اصلا ممكن يكون جاي عشان خاطر اتفرض عليه وهيتخصم منه لو ما جاش صح؟ عادي في بعض الناس ممكن تكون دماغها كده. تمام؟ او ممكن يكون تصرفهم كده. معلش بقى تعالوا نشوف المعادلة اللي الراجل دي حسبها. انتم على مستوى - 00:11:15

الكلام هتقوله معادلة ايه؟ خسرانة. بس على مستوى الواقع للأسف لا احنا بنقول لا دي معادلة كسبانة وكسبانة وكسبانة. طيب تعال نشوف بقى النبي صلى الله عليه وسلم الاربعة حاجات اللي بيوعدهم بالشخص ده ايه؟ معلش اسمحو لي للمرة الثانية ان انا ما قولش الاربعة حاجات عشان هأخذ - 00:11:32
كل موقف حصل في مجتمع النبي صلى الله عليه وسلم آآ قبل ما احكي الموقف هسأل حضراتكم سؤال. لو قلت لكم يا جماعة على بعد متين متر من هنا. على بعد ايه - 00:11:52

متين متر من هنا خلاص؟ آآ انا افترض ان كل الحاضرين ساكنين في المكان ده. تمام؟ وانا بقول على بعد متين متر من هنا في مكان هتروحوه كل يوم الصبح بعد صلاة الفجر. هتاخذوا منه عربيتين مرسيديس - 00:12:05
اخر موديل وترجعوا كل يوم هنقعد وقت قد ايه؟ ولا حاجة ربع ساعة بالزبط. طب فيه زحمة وخناقات وكلام من ده؟ ولا اي حاجة هتروح تقول لهم انا فلان الفلاني انت هتقعد هناك مسلا خمس دقائق عشر دقائق تسجل اسمك وتدي بطاقتك تاخذ عربيتين مرسيديس وترجع - 00:12:23

كل يوم في حد ما هيروحش طبعاً كله هيروح حتى اللي عنده اجنص عربيات مرسيديس هيروح طبعاً زيادة الخير خمسين خير صح؟ كله هيروح ما حدش هيتأخر. في حين ان كله اللي هيروح ده ممكن منه ناس سيبك بقى من الموقف ده وتعال نروح لموقف ثاني مهم - 00:12:44

هو المفروض ان على بعد متين متر بالزبط او اتنين كيلو او على بعد آآ عشرين كيلو من بيته. في مكان هو امن فيه القرآن يقول لك لا بس اصل مكان ايه - 00:13:08

بعيد لا لا اصل المواعيد كده كتيرة مش كل يوم كل يوم كفاية يومين في الاسبوع لأ بصي انتم بتطولوا ثلاثة دي كتير اخليهم ايه ساعتين وبعدين الموضوع كده دي معادلته - 00:13:23
ما هتتأخرش ولا مرة عن العربيتين المرسيديس بس اه تقريبا مش هينتزم ولا مرة في الميعاد بتاع الايه بتاع تعلم القرآن الا اذا كان

عايز ياخذ الاجازة بقى الاجازة بقی ويبقى يتفاخر بها ولا عايز ياخذ القراءة الثانية بقى ويايه ولا عايز تاخذ بقى - [00:13:39](#)

بتاع ما خلصت الدوري طول البيان وبقيت اه مدربة ولا معلمة لا الوضع يختلف. ممكن يدوس على نفسه سنة ايه ده النبي صلى الله عليه وسلم جالس مرة مع الصحابة والكلام ده في صحيح مسلم وبيحكاه لنا سيدنا عقبة بن عامر بيقول - [00:14:01](#)

ان النبي صلى الله عليه وسلم قال لهم في مرة ايكم يحب ان يغدو يعني يخرج في الصباح الى بطحان او العقيق. بطحان والعقيق دول منطقتين قرييين جدا من المدينة. تمام؟ الى بطحان او العقيق. فيأتي بناقتين كوماوين زهراوين - [00:14:19](#)

الناقة الكونية اللي هي عظيمة السنام. الزهراوي اللي لونها فاتح ودي كانت عند العرب زي العربية المرسيديس عندنا ماشي؟ بناقتين كوماوين في غير ما اثم ولا قطيعة رحم يعني لا في مشاكل ولا خناقات ولا يتأثم باي حاجة. ولا يزعل اي حد. سيدنا عقبة ابن عامر قال فقلنا كلنا يحب - [00:14:38](#)

ذلك يا رسول الله مين ما يحبش كده؟ تمام؟ فالنبي صلى الله عليه وسلم يقول لهم ايه؟ يقول لهم لان يغدوا احكم الى المسجد في تعلم ايتين خير له من ناقتين - [00:15:03](#)

وثلاث خير من ثلاث. واربع خير من خير من اربع ومن اعدادهن من الابل يا رب اخسرنا كم عربية مرسيديس عنده اجنص عربيات مرسيديس ولا هتغني عنه حاجة لما يدخل قبره - [00:15:21](#)

لو ما كتش سبقتة الى الله الاية الواحدة تنجيه. لذلك بعض السلف كان يقول ايه يقول كلمة لك من اخيك خير من مال يعطيك. لان الكلمة تهديك والمال يطغيك كلمة لك من اخيك خير من مالي يعطيك. لان الكلمة تهديك والمال يطغيك. ازاي - [00:15:42](#)

نستحضر دين تعالوا بقى نرجع للاربع حاجات اللي وعد بهم النبي صلى الله عليه وسلم هم في الحقيقة خمسة. الوعد الاول حفتهم الملائكة حفاك شوفوا شوفوا التشريف ده ان بصوا سيبوكم سيبوكم انا كان لي مقالة كده اسمها آ بيوت النجوم نجوم البيوت. كنت باعلق فيها - [00:16:12](#)

حديث النبي صلى الله عليه وسلم اللي بيقول فيه وان البيت الذي يتلى فيه القرآن يتراعى لاهل السماء كما تتراعى لكم النجوم ده شكل البيت اللي هو يتلى فيه القرآن. بالنسبة لاهل السماء زي النجم بالنسبة لي. دي بيوت النجوم - [00:16:37](#)

بنجوم البيوت عشان كده بيتك طول الوقت شغال فيه القرآن يا سلام كان زمان حاجة جميلة قوي كلنا بنشغل ازاعات القرآن وطول الوقت كده ما نبطلش تمام يتلى فيه كنت بقول لكم سبحان الله انت متصور شكلك شكلك دلوقتي في السما وتصور شكلك انت في السماء ازاي دلوقتي؟ متصور انت ايه دلوقتي؟ ملائكة تحفهم تعمل ايه؟ تحفهم - [00:16:59](#)

ايه تدعو لهم انا دعائي لحضرتك بظهر الغيب ودعائك لي في ظهر الغيب ايه؟ لا يرد. ما بالك الملائكة ما تنطفت بخطيئة بتدعي لنا؟ تدعي تقول ايه ربنا وسعت كل شيء رحمة وعلما فاغفر للذين ايه؟ تابوا واتبعوا سبيلا وقهم عذابك. ايه ده؟ يعني ربنا يغفر لنا ماشي ربنا يغفر لنا - [00:17:19](#)

ما احنا ممكن يا سادة قال الله لمغفرة من الله ورحمة خير مما يجمعون مش مما تجمع مش للميت الف اللي انت هتجمعها لو كل الخلائق قعدوا يجمعوا لك في كل اللي تتمناه منذ ان خلق الله - [00:17:42](#)

الخلائق الى قيام الساعة كل ده ما يساويش لحظة غفر الله لك فيها ما يساويش لحظة غفر الله لك فيها. لمغفرة من الله ورحمة خير مما يجمعون ورحمة ربك خير مما يجمعون. انت زهقان في دين - [00:18:08](#)

زهقانين فيها وعمالين نجري ورا كزا وتزهدي في مجلس يغفر لك فيه تزهدي في مجلس كما اخبر النبي صلى الله عليه وسلم ان ما يجلس قوم مجلسا يذكرون الله عز وجل فيه الا نودوا - [00:18:32](#)

نقوم مغفورا لكم قد بدلت سيئاتكم حسنات الله اكبر الواحد وهو ماشي كده ويسمع هذا النداء العلوي يتردد في اصداء قلبه سلام على الدنيا ما يريد شيء من الدنيا. سلام على الدنيا. اذا خرج منها المرء بلحظة كهذه اللحظة - [00:18:49](#)

انا شخصا كل مجلس ببقى فيه شوق اليه رغم اني ممكن اكون هقول فيه نفس المضمون اللي بقوله من ميت مرة بس في شوق لهذه الاشياء تدعو لهم دعوات مستجابات يا سادة - [00:19:15](#)

تدعو لهم هذه الدعوات العظيمة التي خير من الدنيا وما فيها يقول له ادعي لي يقول له ربنا يكرمك ويرضى عنك ويرحمك ويغفر لك. ولا اقول لك ادعي لي ادعي لي بقى كده اتجوز. ادعي لي اغير العربية. ادعي لي ابني البيت. ادعي لي اجيب سيارة. مسكين -

00:19:31

مش فاهم وانت لما يتاح لك خمس دقائق آآ وانت امام الكعبة اه مم ايه يا رياه يا رب العربية يا رب البيت نبني نشترى ايه الدماغ دي ربعة بن كعب الاسلامي شاب زي اي شاب عنده طموحات زي اي واحد عنده طموحات عنده امنيات لسه ما عندوش اي حاجة ما عندوش زوجة ما عندوش اولاد - 00:19:53

ما عندوش بيت ما عندوش فلوس ما عندوش شغل حتى والنبي صلى الله عليه وسلم فتح قدامه طاقة يا ربعة سل اطلب توقع حضرتك كل واحد بيسمعني دلوقتي يتوقع ان انت مكان سيدنا ربعة هتقول له ايه؟ هتقول له اكرر حاجة مسيطرة على دماغك -

00:20:20

واحدة تأخرت في الجواز اتجوز واحد مش عارف اه مش لاقى عروسة وما عهاش فلوس مش عارف اه واحد صح لا لا لا عندنا روايتين رواية عن الامام احمد في المسند واخرها ورواية ثانية. الرواية الثانية بتقول ان هو قال للنبي صلى الله عليه وسلم ايه -

00:20:42

قال يا رسول الله اسألك مرافقتك في الجنة هو خدوا بالكم من حاجة ان هو ايه احلام واضحة مش لسه يفكرها طموحاته في الحياة ايه؟ واضحة في رواية في المسند يقول ايه؟ فتفكرتم - 00:21:05

فاذا الدنيا ثانيا واذا الاخرة برقيع فقلت يا رسول الله سلي الله ان يعتق رقبتني من النار. النبي اعجب باجابته فقال من اخبرك بهذا؟ قال يا رسول الله تفكرت فاذا الدنيا وقال له نفس الكلام - 00:21:30

انظروا مش بيجهز حلمه بحلمه ايه جاهز دي الاولى الثانية ونزلت عليه السكينة لا لا لا فيه رواية عند ابن ماجه وصححه الشيخ الالباني وتنزل عليهم السكينة انت ايه تنزل التنزل يعني الكثرة والايه؟ والتتابع. مين السكينة دي؟ السكينة هي ثمرة السعادة -

00:21:55

السكينة ايه؟ ثمرة السعادة. اللي نزلت عليه السكينة نزلت عليه السعادة. عشان كده كنت بقول ايه؟ بقول على عتبات مجالسي تدارس القرآن تنتحر كل الهموم والاحزان على عتبات مجالس تدارس معاني القرآن تنتحر كل الهموم والايه؟ والاحزان - 00:22:26

نزلت عليهم السكينة ايه ده! ده هو تصور ان المية الف هتجيب له ايه؟ السعادة. لأ السعادة اللي انت هتخرج بها من مجلس تدارس قرآني خير خير من الدنيا وما فيها. خير من الدنيا وما فيها. تنزلت عليهم السكينة. الثالثة - 00:22:52

هي مستهم ولا غشيتهم؟ يا جماعة مستهم غشيتهم؟ ايه الفرق؟ يا ربي عمتهم يرحم في دنياه يرحم في اخراه يرحم في قبره يرحم في اولاده يرحم في زوجته وترحم في زوجها. ايه ده! غشيتهم الرحمة. ايه الرحمة دي بقى؟ الحنان مع الاحسان - 00:23:12

الترفق مع الاحسان يا ربي يعني انت تخرجني من هنا وحضرتك تخرج من هنا وتلاقي ربنا رحمك في كل حاجة ربنا رحمك في اولادك رحمك في همومك رحمك في احزانك - 00:23:34

الحنان مع الاحسان الترفق مع الاحسان سبحان الملك والربعة اروع وذكرهم الله في من عنده يعني ايه ذكرهم الله فيمن عنده يعني اثنى عليهم في الملأ الاعلى يا ربي من هذا الانسان الصغير الفقير الذي لا يساوي هبأة في كون الله حتى يذكره الله - 00:23:49

وعز وجل في الملأ الاعلى فمتصور انا وانت مين عشان نذكر في الملأ الاعلى؟ ولا يذكر الا اذا رضي. يا سلام! تخرج من هنا وقد رضي الله عنك تخرجني من هنا وقد رضي الله عنك - 00:24:16

واثنى عليك من ساعتين بالظبط كان متلبس بمعصية ودلوقتي اسم يتردد في الملأ الاعلى مع الذين رضي الله عنهم. ما اكرم الله ما اخسر صفقة ذاك الذي حرم نفسه امثال تلك المجالس - 00:24:34

قال ربنا ورضوان من الله اكبر اكبر واغلى واغلى واجلى واولى من الدنيا وما فيها كانت شوية بشريات خلوني ابدأ مع حضراتكم الموضوع بتاع النهاردة بالقصة دي - 00:24:55